



**PEKELILING PENTADBIRAN
BILANGAN 22 TAHUN 2020**

**PENGURANGAN LIMA PULUH PERATUS (50%)
BAYARAN TUNTUTAN GANTI RUGI PECAH
KONTRAK CUTI BELAJAR SELAMA TIGA (3) BULAN
DI UNIVERSITI TEKNIKAL MALAYSIA MELAKA**

Pejabat Pendaftar

16 April 2020 | 22 Syaaban 1441H

Disalinkan kepada:

Naib Canselor

Timbalan Naib Canselor (Akademik & Antarabangsa)

Timbalan Naib Canselor (Penyelidikan & Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri & Masyarakat)

Penolong Naib Canselor (Pembangunan & Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.14.02/100-3/2/1 JLD. 3 (22)

16 APRIL 2020
22 SYAABAN 1441H

PEKELILING PENTADBIRAN BIL. 22/2020

PENGURANGAN LIMA PULUH PERATUS (50%) BAYARAN TUNTUTAN GANTI RUGI PECAH KONTRAK CUTI BELAJAR SELAMA TIGA (3) BULAN DI UNIVERSITI TEKNIKAL MALAYSIA MELAKA

1. Mesyuarat Majlis Eksekutif Secara Edaran Bertarikh 13 April 2020 telah membincangkan dan bersetuju untuk memberi pengurangan sebanyak 50% bayaran tuntutan ganti rugi Pecah Kontrak Cuti Belajar (PKCB) selama tiga (3) bulan bermula dari bulan Mei hingga Julai 2020 tertakluk kepada kelulusan Jawatankuasa Cuti Belajar (JKCB) melalui permohonan staf yang berkenaan. Pengurangan bayaran ini diberikan bertujuan membantu staf yang terjejas kesan daripada penularan wabak COVID-19.
2. Pengurangan ini tidak berlaku secara automatik malah ia hanyalah bersifat sementara selama tiga (3) bulan dan perlu dimohon sendiri oleh staf PKCB dan akan ditimbang teliti oleh JKCB.
3. TERTAKLUK KEPADA PENETAPAN SEMULA JADUAL PEMBAYARAN PKCB OLEH UNIVERSITI, staf yang secara asalnya dijadualkan selesai membuat bayaran tuntutan ganti rugi PKCB sekurang-kurangnya enam (6) bulan sebelum tarikh bersara mempunyai dua (2) pilihan seperti mana butiran di bawah:-
 - a. Melanjutkan tempoh bayaran tuntutan ganti rugi PKCB selama tiga (3) bulan dari tempoh bayaran asal; atau
 - b. Membuat bayaran melebihi ansuran bulanan selepas tamat tempoh tiga (3) bulan pengurangan yang diberikan.
4. Manakala staf yang secara asalnya dijadualkan selesai membuat bayaran tuntutan ganti rugi PKCB sehingga tarikh bersara juga mempunyai dua (2) pilihan seperti mana butiran di bawah:-

- a. Membuat bayaran melebihi ansuran bulanan selepas tamat tempoh tiga (3) bulan pengurangan yang diberikan; atau
 - b. Membuat bayaran secara sekaligus melalui potongan wang ganjaran persaraan atau wang pengeluaran Kumpulan Wang Simpanan Pekerja (KWSP).
5. Staf hendaklah membuat deklarasi seperti yang dinyatakan di dalam borang permohonan di **Lampiran A** bahawa pengurangan bayaran ini tidak akan menjejaskan hak UTeM dalam menuntut bayaran ganti rugi PKCB staf. Ia bukanlah suatu peninggalan atau pelepasan hak oleh UTeM akan tetapi ia hanya pengurangan sementara yang diluluskan oleh UTeM daripada permohonan staf.
6. Pejabat Penasihat Undang-Undang akan menghantar email rasmi kepada staf PKCB yang berkenaan dan membuka permohonan pengurangan tersebut bermula 16 hingga 23 April 2020. Sebarang pertanyaan bolehlah dikemukakan kepada Encik Muhamad Amirul bin Razali (Penolong Penasihat Undang-Undang) melalui emel amirulrazali@utem.edu.my.

Sekian, terima kasih.

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT
Ketua Pegawai Operasi
Universiti Teknikal Malaysia Melaka

**BORANG PERMOHONAN PENGURANGAN
BAYARAN TUNTUTAN GANTI RUGI PECAH KONTRAK CUTI BELAJAR**

Maklumat Staf

1. Nama :
2. No Staf :
3. Alamat :
4. No Telefon :

Saya ingin memanjangkan permohonan pengurangan bayaran tuntutan ganti rugi pecah kontrak cuti belajar (PKCB) seperti mana yang telah diputuskan di dalam mesyuarat Majlis Eksekutif dan permohonan saya ini adalah berdasarkan kepada pilihan - pilihan yang dinyatakan seperti berikut:

Sila tandakan (√) bagi pilihan pengurangan bayaran tuntutan ganti rugi PKCB:

KATEGORI PERTAMA

Tertakluk kepada penetapan semula jadual pembayaran PKCB, staf yang secara asalnya dijadualkan selesai membuat bayaran tuntutan ganti rugi PKCB sekurang-kurangnya enam (6) bulan sebelum tarikh pencen mempunyai dua (2) kaedah yang perlu dipilih seperti mana butiran di bawah:-

a)	Melanjutkan tempoh bayaran tuntutan ganti rugi PKCB selama tiga (3) bulan dari tempoh bayaran asal	☐
b)	Membuat bayaran tuntutan ganti rugi PKCB melebihi ansuran bulanan selepas tamat tempoh tiga (3) bulan pengurangan yang diberikan	☐

KATEGORI KEDUA

Tertakluk kepada penetapan semula jadual pembayaran PKCB, staf yang secara asalnya dijadualkan selesai membuat bayaran tuntutan ganti rugi PKCB sehingga tarikh bersara juga mempunyai dua (2) pilihan seperti mana butiran di bawah:-

a)	Membuat bayaran melebihi ansuran bulanan selepas tamat tempoh tiga (3) bulan pengurangan yang diberikan	☐
b)	Membuat bayaran tuntutan ganti rugi PKCB secara sekaligus melalui potongan wang ganjaran persaraan atau wang pengeluaran Kumpulan Wang Simpanan Pekerja (KWSP)	☐

Saya juga sesungguhnya faham dan mengakui bahawa pengurangan bayaran tuntutan ganti rugi PKCB ini:

- a) adalah permohonan daripada pihak saya sendiri;
- b) tidak akan menjejaskan hak UTeM untuk menuntut bayaran ganti rugi PKCB; dan
- c) bukan satu pelepasan hak oleh UTeM akan tetapi hanyalah kelulusan pengurangan sementara oleh UTeM terhadap permohonan saya.

.....

Nama :

Tarikh :